

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Dubitatum iterum in Gallia de ordinibus presbyterij collatis à
Chorepiscopis. Consultus Nicolaus I. respondit esst validos, sed
abstinendum ab illis in posterum. Contrarium senserunt post aliquot ...

urn:nbn:de:hbz:466:1-15591

Ecclesiis accidisse confiximus. Quæ verba lucem accipient è Flodoardo; qui Leonem IV. interpellatum ab Hincmaro scriptis de ordinationibus à Chorepiscopis peractis, præcipue post obitum alicujus Episcopi. Occasione enim ministerij Chorepiscoporum, quo satis consultum videbatur ecclesiastica administrationi, Reges differebant electiones Episcoporum, & interim ecclesiastica facultates secularium usibus cedebant. In hac vero epistola, inquit Flodoardus, de his quos temeritas chorepiscopalis ordinare, vel quod spiritum sanctorum consignando tradere presumebat, requisivit. Et quod terrena potestus hac materia sepe offendebat, ut videlicet Episcopo quolibet defuncto, per Chorepiscopum solis Pontificibus debitum ministerium perageret, & res ac facultates Ecclesie secularium usibus expenderentur, sicut & in nostra Ecclesia jam secundò actum fuisset.

IX. Si extarent Hincmari epistola & Leonis IV. rescriptum, profectò magnum adjumentum afferrent ad hujus materia discussionem: quæ licet à Synodo Meldensi sincerè decisa esset, si ambiguitatem circa Subdiaconos demas, attamen variis desidum Episcoporum contentionibus iterum revo- cata est in dubium; adeo ut Nicolaus I. tractus fuerit in partes pro Chorepiscopis. Etenim anno octingentesimo sexagesimo quarto consultus à Rodulfo Archiepiloco Bituricensi, de Presbyterorum & Diaconorum ordinationibus collatis à Chorepiscopis in Gallia, respondit validas quidem esse ordinationes illas; sed veruit similia à Chorepiscopis præter regulas tentari in posterum, ne ad eos dignitas Episcoporum transferretur. Hoc autem argumentum ad sententiam suam fulcendam adducit: *Ad formam enim septuaginta, Chorepiscopi facti sunt; quos quis dubitet Episcoporum habuisse officia?* Quæ responsio, quamvis à canonibus omnino aliena, excusatos tamen reddit Gallicanos Episcopos, si varias in partes distraherentur, cùm ipsi Romani Pontifices in hac questione contraria rescripta ediderint. Hoc solum pro defensione Nicolai proferri potest, quod diversi occupatus negotiis, cursim respondere coactus fuerit, ut ipse præfatur in dicta epistola. Non obtinuit tamen apud Belgicos Episcopos hæc responsio, ut colligere licet è Synodo Metensi, quæ anno DCCCCLXXXIX. coacta, hæc statuit: *Vt Basilice à Chorepiscopis consecrata, ab Episcopis confercentur, roboretur est: quia juxta decreta Damasi Pape, Innocenty, & Leonis, vacuum est & inane quidquid in summi sacerdotij Chorepiscopi egerunt ministerio, quod ipsi idem sunt qui & Presbyteri, suf-*

Flodoard. I. 5.
Hilt. Rem. c. 10.
Nicolai I. in ep.
ad Rodulf. Rur.
Tom. 3. Conc.
Gall.

sienter inveniuntur. Plus detrimenti Chor- episcopis attulit invidiosa hæc Nicolai sen- tentia quā tot synodorum definitiones, cūm nihil sibi reliqui esset viderent Episcopi, si Presbyterorum ordinationes à Chorepi- scopis tentatæ irritæ non essent, et si à Ca- nonibus vetitæ. Accedebat incommodum quo vacantes Ecclesiæ laborabant, cūm prætextu ministerij quod à Chorepiscopis impendebatur, Principes ab electionibus concedendis cessarent, ecclesiasticis proventibus ad suorum utilitatem revocatis. Tacita ergo definitione potius quā ex- pressa ad executionem Capitularis, rerum experimento consultiores facti Episcopi conspirarunt, à constituendis Chorepiscopis abstinentes, tuncque sollicitudinem animadvertisi in Presbyteros & pagorum visitandorum, quæ præter cetera Chorepiscopis comperebat, Archidiaconis conce- ferunt. Desierant Chorepiscopii sub finem seculi undecimi, ut colligere licet ex Sige- bertii historici hallucinatione, qui ex hac munera accessione, quæ sua tempestate penes Archidiaconos erat, eos cum Chor- episcopis confudit: *Damasus*, inquit, *Papa decrevit, ne quid contra Episcopos presumant Archidiaconi, qui dicuntur Chorepiscopi, id est, villarum & regionum Episcops.* Desuetudo hujus ministerij in Patriarchatu Constanti- nopolitanu[m] id quoque induxit ut Chorepi- scopi munus idem esset cum eo quod dele- gatis à Patriarcha vel Metropolitano im- positum erat, qui monasteria visitabant, ad coercendos immorigeros, controversias Abbatum & monachorum dirimendas, & restaurandam disciplinam monasticam mit- tebantur. Delegati ejusmodi, *Ezæp[hi]* seu *Præfecti* dicuntur; quorum potestas iis man- datis comprehenditur quæ relata sunt in Collectione Iuris Graeco-Romani. Scho- lia stiles Harmenopuli Exarchos istos cum anti- quis Chorepiscopis temerè confudit, in eam opinionem duetus, quod reliquo Chor- episcoporum ministerio hæc quoque pars visitandorum monasteriorum in Oriente adjuncta fit, ut patet ex Collectione Arabi- ca. Perseverant namque adhuc in Oriente Chorepiscopi. Sed in Patriarchatu Alexan- drino, deletis Episcopis, soli Chorepiscopii curam Patriarchæ in administratione Ec- chesiæ levant: quod ducentis abhinc annis inductum fuisse testatur Cyrus Alexandria Patriarcha, iis literis quas in Valachia scriptis anno millesimo sexcentesimo duodecimo. Hic est Cyrus qui post aliquot annos in sedem Constantinopolitanam proiectus, meritas peanas dedit, quod à veteri Ecclesiæ illius traditione descens,

Sigebertus in
Cicca,

Lib. vi. In
Graeco-Rom.

Scholion ad T. 1.
ix. Episcopos Cr-
nonatum Himer.
apostolos, &
viii. Apoph. 1.
Ezæp[hi] 1.
Harpax p[ro]p[ter]a
m[od]i.

Videlicet 5. cap.
14. f. 2.

& ab Hieremias Patriarchæ censura, qua Confessionem Augustanam olim notaverat, aliquot articulis professionis Hollandicæ subscriptissit.

C A P V T X V.

Synopsis.

I. Principes tueruntur constitutiones ecclesiasticas quo sunt promulgatae & usu recepta. Promulgatio legum necessaria, ut sine nota, è Novella Iustiniani. Ordo promulgationis in Imperio; Et in Gallia.

II. Ad constitucionum ecclesiasticarum promulgatio Roma facta sufficit. Communior, & verior opinio, non sufficere. Quod congruit cum lege naturali, & civili. Et exemplo Iustiniani, qui leges ecclesiasticas per provincias edebat, directis literis ad Patriarchas, ut eis Metropolitis, hi autem Episcopis insinuarent. Hac necessitate probatur ex discrimine legum pontificiarum & regiarum.

III. Probatur etiam è Conciliis Lateranensi & Tridentino.

IV. Et praxi Universalis Ecclesie, in definitiis Conciliorum Generalium per provincias publicandis; ut constat è Concilio Arelatensi primo, & Niceno.

V. E Synodo quoque Sardicensi. Explicatus Athanasius, de numero Episcoporum qui ejus restitutio subscriferunt. Et ex Hilario.

VI. E Concilio quoque Ephesino.

VII. Idem mos usurpatus ab antiquis Rom. Pontificibus, in Decretis suis edendis per provincias. Siricius eam curam imponit Himerio Tarraconensi Episcopo. Necessaria erat decretorum novorum Siricij editio, ex Innocentio. Qui decreta quoque sua publicari juber.

VIII. Eo jure usus Zozimus; & Leo I. in capitibus fiduci & discipline, Gallicani Episcopi Decreta Romane sedis in synodis edebant, & canonibus inserebant.

IX. Explicatur quod objici solet è Nicolo, qui Decretis Pontificum non editis in Gracia obstringi Photium scriptis. & cuius verbis necessitas promulgationis colligitur.

X. Respondetur oblicatione de vitandis excommunicatis ante promulgationem. Id novo & singulari jure receptum. Imò vero Innocentius in explicatione hujus novi juris stat pro priore sententia. De tempore quo legestentur, post editionem, fusè Menochini.

I. **T**WITIO quam Principes Canonicibus & Decretis Pontificum præstant, ad eas constitutiones ecclesiasticas refertur qua vim legum obtinent. Duæ autem conditiones omnino requiruntur ut leges omnes, tam ecclesiasticae, quam civiles, effectum suum sortiantur. Una est, ut legitimè insinuatae sint, & promulgatae; altera, ut sine usu receptæ.

Promulgatio legum ideo necessaria est, quoniam qui legum sententiam ignorant, nulla religione ad observationem teneri

possunt. Vnde præcipua cura post leges conditas hæc fuit apud Græcos & Romanos, ut publicè proponerentur, & tabulis, columnis, vel axonibus affigerentur. Nolo antiquos mores repeterem, cùm satius sit iis discutiendis immorari quorum usu quotidiano calent omnia judicum tribunalia. Extat apud Iustinianum Novella constitutio, quæ modum publicandarum legum præscribit, & earum vim cohibet, donec reditæ fuerint *exemplaria in commune manifesta*, ut vertit vetus interpres, & elapsi fuerint duo menses à die insinuationis.

Novel. 66. Præf. Hannova Conf. 4. 3. 3. 1. & 3.

Hæc autem promulgatio eo ordine procedit, ut constitutio à Principe ad Præfectos prætorio dirigatur: qui edictis publicè propositis, eam in civitate, ubi sedes prætoriana instituta est, omnibus notam reddant; deinde eam mittant ad omnes Præfides provinciarum, qui legem in metropolitana civitate & in ceteris civitatibus provinciæ publicari curabunt. Civitatis nomine non singulæ urbes & oppida alicujus provinciæ intelligebantur, sed illæ tantum quæ in laterculo Imperij descriptæ, civitatum nomine & dignitate erant insignitæ; quæ ferè omnes, sub Christianis Imperatoribus, episcopatibus decoratae sunt. Idem ordo per Gallias etiam hodie obtinet, quoad Principum nostrorum Constitutiones. Nam et si Galliæ regnum juris Romani auctoritate non teneatur, ejus rationes amplectitur. Edicta autem Principum nostrorum ad Curias Parlamenti (à quibus vice sacra judicatur, æquè ac olim à Præfectis prætorio) eo consilio mittuntur, ut in eam Auditoriis publicentur, in Acta redigantur, & præcepto Curiarum deinde ad Seneschallos exempla Constitutionum deferantur, qui promulgationi curandæ in civitate cui præsunt incurrant. Administrationis publicæ forma, quæ hodie apud nos vigeret, paululum à Romani Imperij ordine discedit. Sed discrimen illud in provinciarum finibus, qui angustiores apud nos, potius quam in re ipsa verfatur. Etenim illi provincias solidas, id est, metropolitanam civitatem cum ceteris civitatibus quæ ab illa pendebant, Præfibus provinciarum credebant; cùm apud nos Seneschallus aut Bajulus, qui vices præsidum obtinent, civitas una vel altera cum pago illius civitatis committi soleat. In prima Regum dynastia Constitutiones generales mittebant ad Episcopos omnes & Iudices, quos Comites frequentius nuncupabant, quorum ministerium per unamquamque civitatem & pagum illi contributum diffundebatur. Qui ordo propagatus est in

Vide Præceptio-
nem Guaramini
Regian. (85. T.
1. Conc. Gall.)